



Universitätsbibliothek Paderborn

V. P. Gasparis Družbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Družbicki, Societatis Jesu, In Dominicas Anni Totius
Meditationes

Družbicki, Kaspar

Ingolstadii, 1732

VD18 9006643X

Dominica III. post Pentecosten.

urn:nbn:de:hbz:466:1-45459

rabitur gustare, sed nemo vestrum gustabit, dicitur vobis, Non novi vos. Heu mihi! qui toties vocatus toties renui, quid aliud expectem, quam illud, Non gustabis cœnam meam? Incipe itaque aliquando respondere vocanti Deo.

DOMINICA III.

Post Pentecosten.

1. *Erant appropinquantes ad Jesum peccatores.*
Luc. 15.

Quis? ad quem? quæ conjunctio Christi cum Belial? quæ lucis cum tenebris? At quidni appropinquarent peccatores ad Jesum, cum Jesus appropinquet ad peccatores, & non appropinquet solum, sed & maneat cum illis, manducet cum illis, manducetur ab illis. Quis credat eo pervenisse peccatorem, ut manducare audeat Corpus Jesu? En audet, quia sic manducanti expedit, quia sic voluntas ejus est, qui manducatur, qui ait, Peccator non vives, nisi manducet; Quis ergo non audeat? At non sum dignus, dices, verum, ut sis dignus, ipse respondet, Manduca, Quid prætendes amplius! Appropinqua itaque ad Jesum, & eum manduca corde, affectu, & ore.

2. *Erant appropinquantes.*

Vide ut surgunt peccatores & publicani & appropinquant Jesu, ut rapiant regnum cœlorum, Surgunt Cameli, deponunt gibbos suos, & contendunt transire per foramen acûs, fatagunt intrare per angustam portam. Hem verò quæ mea tepiditas, quæ mea cæcitas! Peccatores me antecedunt ad Jesum, ferventiores sunt in

G. DRUCK =
Bicki
Operi asce? i
Tomus III
N: V
58

in salute procuranda quàm ego, illi qui curis
 multis sunt gravati, qui terrenis implicati, qui
 multis negotiis & difficultatibus sunt intricati,
 occurrunt ad Christum, frequentes sunt in tem-
 plo, in audiendis concionibus, in eluendis cri-
 minibus studiosi, in oratione assidui, summis
 Deum obtestantur modis, totos se effundunt in
 lacrymas, prolongant vota, multos gemitus du-
 cunt, immoti persistunt, & quasi in precando
 contestantur cum Deo, vim cælo faciunt. At ego
 in seculo & omnibus ejus laqueis expeditus, in-
 que Christi-familiam adscitus, deses jaceo, & ve-
 lut jumentum in stercore putresco, languedo in
 torpore, & ex ore Dei evomor cum dedecore.
 Theu in tenebris sum, cur non propero ad lucem?
 Palmes aridus sum, cur non unior Viti? Ovis
 errans sum, cur non Pastorem requiro? Fame-
 licus, cur non ad cibum festino? Cervus faucibus
 sum cur non ad fontem vitæ accurro? En taber-
 na mercatoria patet, omnibus referta bonis mer-
 cibus, emitur sine pretio & argento, & sine ulla
 commutatione, appropinquant peccatores &
 publicani, Ego verò qui maximè egeo, appro-
 pinquare ut emam, nolo.

3. *Ut audirent illum.*

Justissima fuit Publicanis ad Jesum appropin-
 quandi causa, unde etiam liber illis apud eum
 patebat aditus; nam ideo ad Jesum appropin-
 quarunt Pharisei de quibus Christi scriptum re-
 latum. Populus hic labiis me honorat cor autem
 meorum longè à me est. Sed nonne & tu Phari-
 zeus es, qui fastidis sacras lectiones, erubescis
 que pijs colloquutiones, respicis salutare moni-
 tiones, piget audire divina, conciones. Pudeat
 te à

te à publicanis & peccatoribus superari, qui ut
JESUM audirent, ad eum appropinquarunt.

4. *Hic peccatores recipit.*

QUIS peccatores recipiet, si JESUS eos rejiciet
aut à JESU sunt recipiendi, aut à diabolo
possidendi. Quid mali facit si peccatores reci-
pit? sed manducat cum illis? quid hoc mirum
cum ipse manducetur ab illis? Cibus peccatoris
est JESUS, & cibus JESU peccator; Peccatoris est
JESUS, ut in JESU crescat & vivat, JESU verò pec-
cator, ut ei gaudium ferat. Agnoscimus tuam
JESU benignitatem, etiam tuis hostibus mirabi-
lem; quia proprium tuum est peccatores reci-
pere. Non capiebant illi quomodo nequitia
jungeretur sanctitas, sed ideo non capiebant quia
superbi & animales erant, non autem animalis
homo percipit ea quæ sunt spiritûs. Quid verò
dulcius hac voce, Hic peccatores recipit! det
mihi quis hominem omnium quadrupedum ne-
quissimum, desperatum planè ac depositum, his
vinculis immutabitur, Hic peccatores recipit.
Non itaque despera Anima si peccas, si deficiis
non proficis; JESU confidenter appropinqua:
en peccatores recipit, en ovem centesimam tanto
labore, tanto sudore quærit, inventam humeris
imponit, caulis infert, propter drachmam unam,
totam evertit & evertit domum, quid non faciet
propter te, toto mundo in oculis ejus potiorem.
O Beata tua pie JESU mansuetudo, quam dulciter
dilexisti nos! Ego scelestus tanto tempore in
tua schola manens, hanc tuam mansuetudinem
nondum didici.

5. *Donec*

g. Druez =
bicki
operi ascel
Tomus III
N. V
58

5. *Donec inveniat eam.*

Non est contentus ovibus nonaginta novem, non satis ei est dimisisse illas in deserto, nec satis est quærere unam, sed tamdiu quærere, donec inveniat eam, quæ perierat. Quanta tua Domine Jesu in quærenda mea salute cura est? habes millia millium tibi ministrantium, attamen unum ita quærís, quasi aut ego omnibus illis sciam major, aut tu neminem haberes, qui dignè tibi ministraret. Proh! quid non facis, quas vias & rationes inis, quibus me ad servientium tibi inducas! Non possum non fateri, non tantum me infinitis modis obstrictum esse, ut tibi serviam, sed etiam ut in tuo obsequio quotidie inventior & robustior fiam. Si enim tu Redemptor meus, me tamdiu quæsisti donec me invenires, utique ego tamdiu proficere teneor, donec tibi placeam; donec sim Servus perfectus, donec ex toto te diligam corde. Si me quæsisti usque ad mortem, & sanguinis tui effusionem, utique ego tibi servire debeo usque ad corporis mei defatigationem.

6. *Gaudium erit in celo super uno peccatore.*

Vide quantum sit bonum pœnitentia vera, quæ & nonaginta novem justis unum peccatorem æquat, eisque in Sanctitate parem facit, eò quod eum ex certiori periculo liberat: Melior enim peccator humilis, quàm justus superbus, qui se pœnitentiã non egere putat, ut Pharisæus ille Publicani contemptor fecit. Quis peccator humilis est, nisi qui perpetuò commissa deflet, & deflenda committere cavet. Tu itaque si justus fueris, noli elevare caput, quoniam non difficile Deo est de lapidibus suscitare